

საქართველოს უზენაესი სასამართლოს მოსამართლის თანამდებობაზე ასარჩევად საქართველოს
პარლამენტისათვის წარსადგენი სამოსამართლო გამოცდილების მქონე
მოსამართლეობის კანდიდატის შეფასების ფორმა

მოსამართლეობის კანდიდატის ლაშა თავართქილაძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	☐	
მოსამართლეობის კანდიდატი აკმაყოფილებს კეთილსინდისიერების კრიტერიუმს	☐	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	☒	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	18	20
სამართლებრივი დასაბუთების უნარი და კომპეტენცია	17	20
წერის უნარი	17	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	14	15
აკადემიური მიღწევები და პროფესიული წვრთნა	4	5
პროფესიული აქტივობები	3	5
ქულათა ჯამი	87	100

სახელი, გვარი: ირაკლი ბონდარენკო

თარიღი: 28.07.2025წ.





საქართველოს იუსტიციის უმაღლესი საბჭოს წევრი ირაკლი ბონდარენკო

**საქართველოს უზენაესი სასამართლოს მოსამართლის თანამდებობაზე ასარჩევად საქართველოს
პარლამენტისათვის წარსადგენი კანდიდატის შერჩევის პროცედურაში მონაწილე კანდიდატის
ლაშა თავართქილაძის შეფასება/დასაბუთება**

საქართველოს იუსტიციის უმაღლესი საბჭოს 2024 წლის 31 დეკემბრის №1/164 განკარგულების საფუძველზე დაიწყო კონკურსი საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი კანდიდატის შერჩევის მიზნით, რომლის ფარგლებში განვახორციელე კანდიდატ ლაშა თავართქილაძის შეფასება. შეფასების დასაბუთებისას ვიხელმძღვანელე „საერთო სასამართლოების შესახებ“ საქართველოს ორგანული კანონის 34¹ მუხლის მე-11 პუნქტით.

კანდიდატს აქვს უმაღლესი იურიდიული განათლება (მაგისტრთან გათანაბრებული), სპეციალობით მუშაობის 23 წლის, მათ შორის, მოსამართლედ მუშაობის 11 წლის და 2 თვის გამოცდილება. ამჟამად, ლაშა თავართქილაძე სამოსამართლო უფლებამოსილებას ახორციელებს თბილისის სააპელაციო სასამართლოს სამოქალაქო საქმეთა პალატაში.

აღნიშნული გარემოების გათვალისწინებით, კანდიდატი შევავსე სამოსამართლო გამოცდილების მქონე კანდიდატის შეფასებისთვის ორგანული კანონით დადგენილი მახასიათებლებით, საბჭოს სტრუქტურული ერთეულის მიერ მოპოვებული ინფორმაციისა და კანდიდატის საჯარო მოსმენის პროცესში გამოვლენილი პიროვნული და პროფესიული თვისებების გათვალისწინებით.

1. კანდიდატის შეფასება კეთილსინდისიერების კრიტერიუმით

სამოსამართლო გამოცდილების მქონე კანდიდატის კეთილსინდისიერების კრიტერიუმით შეფასებისას მხედველობაში მიიღება 35¹ მუხლის მე-17 პუნქტით დადგენილი მახასიათებლები: პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია; ფინანსური ვალდებულება.

1.1 პიროვნული კეთილსინდისიერებისა და პროფესიული სინდისი

მოცემული მახასიათებლით კანდიდატის შეფასებისას გავითვალისწინე პირის როგორც მოსამართლისა და მოქალაქის – კეთილსინდისიერება, პატიოსნება, მოვალეობებისა და პასუხისმგებლობის შესაბამისი შეგნება, სიმართლისმოყვარეობა, გამჭვირვალობა, კორექტულობა და სიზუსტე სამსახურებრივი თუ სხვა მოვალეობების, ფინანსური თუ სხვა ვალდებულებების

შესრულებისას (მაგალითად, ქონებრივი დეკლარაციის შევსებისას, ბანკის ან სხვა ვალის, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

ლაშა თავართქილაძის დახასიათებისას, რეკომენდატორები და სხვა გამოკითხული პირები აღნიშნავენ, რომ მას აქვს მოვალეობებისა და პასუხისმგებლობის მაღალი შეგნება, იჩენს კორექტულობას და სიზუსტეს მასზე დაკისრებული მოვალეობების თუ სხვა ვალდებულებების შესასრულებლად. გარდა ამისა, ახასიათებენ როგორც კეთილსინდისიერ და პატიოსან ადამიანს. იგი არის პრინციპული, გულწრფელი, ერთგული, თავმდაბალი და საიმედო, აქვს საკუთარი შეცდომების აღიარების უნარი, კორექტული, თავაზიანი და გაწონასწორებულია.

გამოკითხული რესპოდენტები მიუთითებენ, რომ კანდიდატი სრულად აკმაყოფილებს კეთილსინდისიერების კრიტერიუმს.

კანდიდატს აქვს მიმდინარე სესხები, თუმცა ვადაგადაცილებები არ უფიქსირდება. სახელმწიფო ბიუჯეტის მიმართ დავალიანება არ ერიცხება. უძრავი ქონების რეესტრში არსებული ინფორმაცია შესაბამისობაშია ქონებრივი მდგომარეობის დეკლარაციასთან.

ლაშა თავართქილაძეს არ უფიქსირდება საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის ფაქტი.

ქ. თბილისის მუნიციპალიტეტისა და ურბანული განვითარების სააგენტოს ინფორმაციით კანდიდატს უფიქსირდება სამართალდარღვევათა კოდექსით გათვალისწინებული ერთი სამართალდარღვევა. დაკისრებული ჯარიმა გადახდილია დროულად.

1.2. დამოუკიდებლობა, მიუკერძოებლობა და სამართლიანობა

აღნიშნული მახასიათებლით კანდიდატის შეფასებისას გავითვალისწინე მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ მედეგობა, პიროვნული სიმყარე და შეუვალობა, პოლიტიკური ან სხვა ნიშნით მიუკერძოებლობა, სამართლიანობა და სხვა.

კანდიდატთან საქმიან ურთიერთობაში მყოფი პირების შეფასებით კანდიდატი არის დამოუკიდებელი და მიუკერძოებელი. გადაწყვეტილებებს იღებს მხოლოდ კანონის შესაბამისად, იგი არ ექცევა სხვათა ზეგავლენის ქვეშ, უფრთხილდება მართლმსაჯულების პრესტიჟს და იქცევა სასამართლო ავტორიტეტის და მოსამართლის თანამდებობისათვის შესაფერისად. კანდიდატი მოქმედი მოსამართლეა და სამოსამართლო ვალდებულებებს ასრულებს წინასწარი კეთილგანწყობის და წინასწარ შექმნილი აზრის გარეშე.

კანდიდატი არასდროს ყოფილა პოლიტიკური პარტიის წევრი/მხარდამჭერი და შემომჭირველი.

მომიებული ინფორმაციისა და საჯარო მოსმენისას კანდიდატს არ გამოუვლენია რაიმე სახის მიკერძოებული დამოკიდებულება რომელიმე კონკრეტული ჯგუფის მიმართ.

1.3. პიროვნული და პროფესიული ქცევა

მოცემული მახასიათებლით კანდიდატის შეფასებისას გავითვალისწინე მისი კორექტულობა კოლეგებსა და სხვა პირებთან ურთიერთობისას, თავდაჭერილობა, საკუთარი ემოციების მართვის უნარი, სასამართლოში წარმართული დავები, სადაც იგი მონაწილეობდა როგორც მხარე, მის მიმართ სისხლისსამართლებრივი ბრალდებების არ არსებობა, სამოსამართლო ეთიკის დაცვა, მოსამართლის მაღალი წოდების შესაბამისი ქცევა და იმიჯი, ქცევა მის მიმართ დისციპლინური სამართალწარმოების მიმდინარეობისას და სხვა. აგრეთვე, საჯარო მოსმენისას მიღებული შთაბეჭდილება.

მოძიებული ინფორმაციის თანახმად, კანდიდატის მიმართ დისციპლინური დევნა არ დგინდება.

საქართველოს გენერალური პროკურატურის ინფორმაციით კანდიდატი სისხლის სამართლის საქმეზე ცნობილია დაზარალებულად 2018 წლის 29 ივნისს (დანაშაული გათვალისწინებული სსკ-ის 366-ე მუხლის მე-2 ნაწილით).

საქართველოს საერთო სასამართლოებში წარმოებულ დავებში კანდიდატ ლაშა თავართქილაძის მხარედ მონაწილეობის თაობაზე საქმისწარმოების ელექტრონული საძიებო სისტემის მეშვეობით მოძიებული იქნა ერთი ადმინისტრაციული საქმე, მომჩივან მხარეს წარმოადგენს ლაშა თავართქილაძე.

კოლეგების შეფასებით, ლაშა თავართქილაძე გაწონასწორებული და მობილიზებული ადამიანია, მეტად თავაზიანი და ტაქტიანი. სასამართლო განხილვის მსვლელობისას იცავს წესრიგს და ეტიკეტს, მოქმედებს მოთმინებით და ღირსეულად სასამართლო სხდომის მონაწილეთა მიმართ; იგი არ ექცევა სხვების გავლენის ქვეშ.

1.4. პიროვნული და პროფესიული რეპუტაცია

მოცემული მახასიათებლით კანდიდატის შეფასებისას გაითვალისწინება მისი საქმიანი, მორალური რეპუტაცია და ავტორიტეტი იურიდიულ წრეებსა და საზოგადოებაში.

კანდიდატს რეკომენდატორები და გამოკითხული პირები ახასიათებენ დადებითად. იგი სარგებლობს მაღალი მორალური და პროფესიული რეპუტაციით როგორც კოლეგებში, ასევე იურიდიულ წრეებში. მას აქვს იურიდიულ სფეროში მოღვაწეობის მრავალწლიანი გამოცდილება.

ლაშა თავართქილაძის შესახებ ინტერნეტ სივრცეში იძებნება სხვადასხვა ინფორმაცია მის სამოსამართლო საქმიანობასთან დაკავშირებით.

მოწოდებული ინფორმაციით, კანდიდატს იცნობენ, როგორც მაღალი მორალური ღირსებების მქონე ადამიანს.

საჯარო მოსმენისა და ზემოაღნიშნულის გათვალისწინებით მიმაჩნია, რომ მისი პიროვნული და პროფესიული რეპუტაცია შეესაბამება მოსამართლის იმიჯს.

1.5. ფინანსური ვალდებულება

მოცემული მახასიათებლით კანდიდატის შეფასებისას გაითვალისწინება ინფორმაცია მისი შემოსავლის წყაროს, აქტივების, საკუთრებაში ან/და სარგებლობაში არსებული ქონების და ამ ქონებისა და შემოსავლის შესაბამისი ვალისა და ვალდებულების შესახებ. ფინანსური ვალდებულების შემოწმების მიზანია, შეფასდეს, არსებობს თუ არა საფუძველი მოსამართლის ქონებრივი ინტერესების მართლმსაჯულების ინტერესებთან დაპირისპირებისა, რამაც შესაძლოა საფრთხე შეუქმნას მოსამართლის მიუკერძოებლობას.

მოძიებულ ინფორმაციაზე დაყრდნობით, ლაშა თავართქილაძე ჯეროვნად და კეთილსინდისიერად ასრულებს ფინანსურ ვალდებულებებს. კანდიდატს აქვს მიმდინარე სესხი, სახელმწიფო ბიუჯეტის მიმართ დავალიანება არ ერიცხება. უძრავი ქონების რეესტრში არსებული ინფორმაცია შესაბამისობაშია ქონებრივი მდგომარეობის დეკლარაციასთან. არ არსებობს შეუსაბამობა მის შემოსავალსა და მის საკუთრებაში არსებულ ქონებას შორის.

კანდიდატი კეთილსინდისიერების კრიტერიუმის ყველა მახასიათებლით შემოწმებისას შევავსე სრულად დადებითად. შესაბამისად, მიმაჩნია, რომ ლაშა თავართქილაძე **სრულად აკმაყოფილებს** კეთილსინდისიერების კრიტერიუმს

2. მოსამართლეობის კანდიდატის შეფასება კომპეტენტურობის კრიტერიუმის მიხედვით.

კომპეტენტურობის კრიტერიუმით საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატი შეფასდა „საერთო სასამართლეობის შესახებ“ საქართველოს ორგანული კანონის 35¹ მუხლის მე-17 პუნქტით დადგენილი წესით. კანდიდატის შეფასებისას მხედველობაში მიიღება ორგანული კანონის 35¹ მუხლის მე-17 პუნქტით დადგენილი შემდეგი მახასიათებლები: სამართლის ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა.

2.1. სამართლის ნორმების ცოდნა

მითითებული მახასიათებლით კანდიდატის შეფასებისას გაითვალისწინება მატერიალური და საპროცესო კანონმდებლობის, ადამიანის უფლებების სამართლის, მათ შორის, ადამიანის უფლებათა ევროპული სასამართლოს პრეცედენტული სამართლის, ცოდნის დონე. ვინაიდან, მოცემულ შემთხვევაში ფასდება სამოსამართლო გამოცდილების მქონე კანდიდატი - აგრეთვე, განხილულ საქმეებზე გამოტანილ გადაწყვეტილებებში სამართლის ნორმების, მათ შორის, ადამიანის უფლებათა ევროპული სასამართლოს პრეცედენტული სამართლის, გამოყენების სისწორე. საჯარო მოსმენისას მიღებული შთაბეჭდილება.

მის მიერ წარმოდგენილი სამართლებრივი დოკუმენტის შესწავლით უნდა აღინიშნოს, რომ კანდიდატმა კარგად იცის სამოქალაქო სამართლის მატერიალური და საპროცესო კანონმდებლობა, ასევე ადამიანის უფლებათა ევროპული სასამართლოს პრეცედენტული სამართალი. გააჩნია სამართლებრივი საკითხების ღრმა და ჯეროვანი გააზრების უნარი, ასევე, შეუძლია მოიძიოს და

ადეკვატურად გამოიყენოს ის შიდა და საერთაშორისო ნორმა თუ სასამართლოს პრეცედენტი, რომელიც შეეხება განსახილველ სამართალურთიერთობას.

საჯარო მოსმენისას კანდიდატმა გამოავლინა ეროვნული კანონმდებლობის და სასამართლო პრაქტიკის ცოდნის სათანადო დონე. შეკითხვები დაისვა სამოქალაქო სამართლის როგორც საპროცესო ისე მატერიალური ნაწილის სფეროდან.

კანდიდატმა იმსჯელა ზოგადად სამართლებრივ საკითხებზე. ისაუბრა განსხვავებაზე პლებისციტსა და რეფერენდუმს შორის, ისაუბრა მესამე პირის სამართალწარმოებაში ჩაბმასთან დაკავშირებით. კანდიდატის პასუხები უმეტესწილად იყო სამართლებრივი თვალსაზრისით სწორი და საფუძვლიანი. თუმცა, ცალკეულ საკითხებზე მისი პასუხები არ იყო ამომწურავი, მაგალითად კანდიდატმა არასრული პასუხი გასცა კანონიერ ძალაში შესული სასამართლო გადაწყვეტილების ბათილად ცნობის ხანდაზმულობის შესახებ საქართველოს საკონსტიტუციო სასამართლოს გადაწყვეტილებასთან დაკავშირებით დასმულ შეკითხვას.

აღსანიშნავია, რომ ლაშა თავართქილაძეს ჩაბარებული აქვს მოსამართლეობის, პროკურატურის, ნოტარიუსის საკვალიფიკაციო გამოცდები:

- ✓ ლაშა თავართქილაძემ 2002 წელს გაიარა მოსამართლის თანაშემწის სამთვლიანი კურსი და 2003 წელს ჩააბარა სასწავლო პროგრამით გათვალისწინებული ტესტური გამოცდა;
- ✓ 2003 წელს ჩააბარა პროკურატურის მუშაკთა საკვალიფიკაციო გამოცდა;
- ✓ 2006 წელს ჩააბარა ნოტარიუსის საკვალიფიკაციო გამოცდა;
- ✓ 2006 წელს ჩააბარა ადვოკატთა საკვალიფიკაციო გამოცდა საერთო სპეციალიზაციით;
- ✓ 2007 წელს ჩააბარა მოსამართლეობის საკვალიფიკაციო გამოცდა სამოქალაქო და ადმინისტრაციული სამართლის სპეციალიზაციით.

2.2. სამართლებრივი დასაბუთების უნარი და კომპეტენცია

მითითებული მახასიათებლით კანდიდატის შეფასებისას გაითვალისწინება მის მიერ განხილულ საქმეებზე მიღებული გადაწყვეტილებების დასაბუთებულობა. მისი ანალიტიკური აზროვნების უნარი და პროფესიული გამოცდილება.

წარმოდგენილ გადაწყვეტილებებში ლაშა თავართქილაძის მსჯელობა დასაბუთებული, ლოგიკური და თანმიმდევრულია. მისი გაცნობის შედეგად დგინდება, რომ კანდიდატს გააჩნია სამართლებრივი ნორმის მართებულად განმარტების უნარი. ასევე გააჩნია იმის კომპეტენცია, რომ განსაზღვროს მთავარი სამართლებრივი საკითხები გადაწყვეტილების მიღებისას. შეუძლია ნათლად და დამაჯერებლად გადმოსცეს თავისი აზრი, შეუსაბამოს იგი დადგენილ ფაქტებს და მიიღოს საფუძვლიანი გადაწყვეტილება თავისი შინაგანი რწმენით. იგი დამაჯერებლად ასაბუთებს საკუთარ პოზიციას, რაშიც ეხმარება სასამართლოში მრავალწლიანი გამოცდილება. ჩამოყალიბებული აქვს სწორი ანალიტიკური და სამართლებრივი აზროვნების უნარი. გადაწყვეტილების დასაბუთებისას იშველიებს როგორც საქართველოს უზენაესი სასამართლოს მნიშვნელოვან განმარტებებს, ისე ადამიანის უფლებათა ევროპული სასამართლოს პრაქტიკას. მას აქვს თითქმის 11 წელზე მეტი ხნის სამოსამართლო გამოცდილება სამოქალაქო და ადმინისტრაციული სამართლის მიმართულებით.

2.3. წერის უნარი

მოცემული მახასიათებლით კანდიდატის შეფასებისას გაითვალისწინება წერილობით აზრის ნათლად და გასაგებად გადმოცემის, ლოგიკური მსჯელობისა და ანალიზის უნარი.

როგორც რესპოდენტები უთითებენ კანდიდატს ნათლად და გასაგებად შეუძლია საკუთარი მოსაზრების გადმოცემა. მას აქვს სამართლებრივი ლექსიკის ადეკვატურად გამოყენების უნარი, შეუძლია ლოგიკურად მსჯელობა და აზრის გასაგებად, ლაკონურად და დამაჯერებლად გადმოცემა. ცდილობს ყოველი ახალი გადაწყვეტილება იყოს მეტად დასაბუთებული და მხარისათვის გასაგები ენით გადმოცემული.

შესწავლილ იქნა კანდიდატის სასამართლო გადაწყვეტილებები, რომლის გაცნობის შედეგად შემიძლია დავასკვნა, რომ შეუძლია სამართლებრივი წერილობით პოზიციის დასაბუთებისას აზრის ნათლად და გასაგებად გადმოცემა.

2.4. ზეპირი კომუნიკაციის უნარი

აღნიშნული მახასიათებლით კანდიდატის შეფასებისას გაითვალისწინება გამართული მეტყველების უნარი, სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის შესაძლებლობა და სხვა.

გამოვითხული პირები უთითებენ, რომ ლაშა თავართქილაძეს პროცესის მონაწილეებთან კომპეტენტური და კონსტრუქციული საუბრის საჭიროების შემთხვევაში, გააჩნია სათანადოდ დამოწმებული განმარტების მიცემის უნარი, აქვს მოსმენისა და კამათის კულტურა, კამათის დროს თავისი პოზიციის დამაჯერებლობის შენარჩუნების უნარი. მას შეუძლია იურიდიული განათლების არმქონე პირებისათვის საქმის ფაქტობრივი და სამართლებრივი გარემოებების გასაგებად ახსნა.

კანდიდატმა საჯარო მოსმენის პროცესში გამოავლინა კარგი კომუნიკაციის, გამართულად მეტყველების, სხვისი აზრის მოთმინებით მოსმენის, ანალიზის და გათვალისწინების უნარი.

2.5. პროფესიული თვისებები, მათ შორის, ქცევა სასამართლო დარბაზში

აღნიშნული მახასიათებლით კანდიდატის შეფასებისას გაითვალისწინება მისი პუნქტუალურობა, საქმის ჯეროვნად და პასუხისმგებლობით მომზადება, ქცევა სასამართლო დარბაზში და სასამართლო სხდომის სათანადოდ წარმართვის უნარი, ქცევა მხარეებთან ურთიერთობისას, გულმოდგინება და შრომისმოყვარეობა, გადაწყვეტილების დამოუკიდებლად მიღებისა და სტრესულ სიტუაციაში მუშაობის უნარი, მიზანდასახულობა, პროდუქტიულობა და სისწრაფე, საპროცესო ვადების დაცვა და სხვა.

როგორც რეკომენდატორები და გამოვითხული პირების აზრით, მას გააჩნია სამუშაო განრიგის ეფექტიანი დაგეგმვის, პრიორიტეტების სწორად განსაზღვრის, გუნდური მუშაობის, მათ შორის, თანამემწისა და სხდომის მდივნის საქმიანობის ეფექტიანად წარმართვის, შედეგზე და ხარისხზე ორიენტირებული თანამშრომლობის უნარი. მას შეუძლია კონფლიქტურ სიტუაციაში დაძაბულობის განეიტრალება და სხდომის მიმდინარეობისას წესრიგის უზრუნველყოფა.

კანდიდატს გააჩნია პასუხისმგებლობის მაღალი გრძნობა, გამოირჩევა საქმისადმი ერთგულებით, შრომისმოყვარეობით. გააჩნია სტრესულ სიტუაციაში ვითარების მართვის უნარი.

იუსტიციის უმაღლესი საბჭოს სასამართლო მენეჯმენტის დეპარტამენტის მიერ დამუშავებული სტატისტიკური მონაცემების თანახმად, ლაშა თავართქილაძეს საანგარიშო პერიოდში (978 დღე) დასრულებული აქვს 575 საქმე, დღეში საშუალოდ 0,6 საქმე. კანდიდატის მიერ

- ✓ გადაწყვეტილების მომზადების ვადების დაცვა - 68,2%; ვადის დარღვევით - 31,8%;
- ✓ საქმის განხილვის საპროცესო ვადების დაცვა - 84,3%; ვადის დარღვევით - 15,7%;
- ✓ გასაჩივრებულ გადაწყვეტილებათა სტაბილურობა: უცვლელი - 88,1%; შეცვლილი - 11,9%.

2.6. აკადემიური მიღწევები და პროფესიული წვრთნა

მიუთითებული მახასიათებლით კანდიდატის შეფასებისას გავითვალისწინე სიახლეების მიმართ მისი ღიაობა, თვითგანვითარების უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა.

ლაშა თავართქილაძეს მონაწილეობა აქვს მიღებული სასამართლო სისტემისა და მართლმსაჯულების საკითხებზე გამართულ სხვადასხვა ღონისძიებაში, მათ შორისაა:

- ✓ 2022 წ. 29 ივლისი - 1 აგვისტო, სემინარი - „ინტელექტუალური საკუთრების ხელყოფის საკითხები“;
- ✓ 2022 წ. 11-12 ნოემბერი, ევროკავშირის მართლმსაჯულების სასამართლოს (CJEU), ევროკავშირის საერთო სასამართლოსა (GCEU) და ევროკავშირის ინტელექტუალური საკუთრების უწყების სააპელაციო საბჭოს (EUIPO BOA) გადაწყვეტილებების საფუძველზე, ინტელექტუალური საკუთრების სფეროში არსებული სასამართლო გადაწყვეტილებების შესახებ შედგენილი კრებულის პრეზენტაცია;
- ✓ 2022 წ. 1-3 დეკემბერი, „ბიზნესის რეაბილიტაციისა და გადახდისუუნარობის პრაქტიკოსთა ასოციაციის“ (BRIPA) მიერ გადახდისუუნარობის რეფორმის ხელშეწყობის მიზნით განხორციელებული პროექტის ფარგლებში, ახალი გადახდისუუნარობის კანონმდებლობის აქტუალურ საკითხებზე გამართული სამუშაო შეხვედრა;
- ✓ 2023 წ. 11-12 სამუშაო შეხვედრა - „მეწარმეთა შესახებ საქართველოს კანონის აღსრულების პროცესთან დაკავშირებით“;
- ✓ 2023 წ. 14-16 სამუშაო შეხვედრა - „ინფრასტრუქტურული პროექტებიდან წარმოქმნილი სამართლებრივი ურთიერთობების - დავების გადაწყვეტის მექანიზმების სპეციფიკა - ადგილობრივი და საერთაშორისო პერსპექტივები“;
- ✓ 2024 წ. 30 ნოემბერი - 01 დეკემბერი, ტრენინგი - „ლტოლვილთა სამართალი“ და სხვა.

კანდიდატი ფლობს გერმანულ, რუსულ და ინგლისურ ენებს. ჩაბარებული აქვს მოსამართლის საკვალიფიკაციო გამოცდა სამოქალაქო და ადმინისტრაციული სამართლის სპეციალიზაციით.

2.7. პროფესიული აქტივობა

პროფესიული აქტივობის მახასიათებლით კანდიდატის შეფასებისას გავითვალისწინე სამართლებრივი სისტემისა და მართლმსაჯულების საკითხებზე სხვადასხვა ფორმატის

დისკუსიებში, შეხვედრებსა და სემინარებში მისი მონაწილეობა, საკუთარი პოზიციისა და შეხედულებების ღიად და თავისუფლად გამოხატვა, ინიციატივის გამოჩენის უნარი, იდეებისა და წინადადებების წამოყენება, სამეცნიერო და სხვა სახის პუბლიკაციები, დამსახურება იურიდიული პროფესიისა და საზოგადოების წინაშე და სხვა.

მოდებული ინფორმაციის თანახმად, კანდიდატი აქტიურად მონაწილეობს მართლმსაჯულების საკითხებზე სხვადასხვა ფორმატის შეხვედრებსა და სემინარებში სადაც საკუთარ პოზიციას გამოხატავს ღიად და თავისუფლად. კანდიდატი სიახლეების მიმართ ღიად, აქვს ახალი ცოდნისა და გამოცდილების შეძენის ინტერესი. იგი არ ეწევა სამეცნიერო და პედაგოგიურ საქმიანობას,

კანდიდატის შემაჯამებელი შეფასება:

ლამა თავართქილაძე **სრულად აკმაყოფილებს** კეთილსინდისიერების კრიტერიუმს, ხოლო კომპეტენტურობის კრიტერიუმით შეფასებისას კანდიდატს ვაფასებ **87 ქულით**, რაც მაქსიმალურ ქულათა ჯამის (100 ქულა) **87%** შეადგენს.

ირაკლი ბონდარენკო

28.07.2025 წელი

